

## । अथ चतुर्थोऽष्टकः ।

(प्रथमोऽध्यायः ॥ वर्गाः 1-33)

(7) **9** (म.5, अनु.1)

ऋषिः गयः आत्रेयः छन्दः अनुष्टुप् 1-4,6, पङ्क्तिः 5,7 देवता अग्निः

त्वामग्ने हविष्मन्तो देवं मर्तास ईळते । मन्ये त्वा ज्ञातवैदसं स हव्या वक्ष्यानुषक् ॥ 1 ॥  
 अग्निर्होता दास्वतुः क्षयस्य वृक्तर्बर्हिषः । यं यज्ञासुश्चरन्ति यं सं वाजासः श्रवस्यवः ॥ 2 ॥  
 उत स्म यं शिशुं यथा नवं जनिष्टारणीं । धर्तारं मानुषीणां विशामग्निं स्वध्वरम् ॥ 3 ॥  
 उत स्म दुर्गभीयसे पुत्रो न ह्यार्याणाम् । पुरू यो दग्धासि वनाग्रै पशुर्न यवसे ॥ 4 ॥  
 अर्धं स्म यस्यार्चयः सम्यक्संयन्ति धूमिनः । ॥ 5 ॥  
 यदीमहं त्रितो दिव्युप् ध्मातेव धमति शिशीते ध्मातरीं यथा ॥ 5 ॥  
 तवाहमग्र ऊतिभिर्मित्रस्य च प्रशस्तिभिः । द्वेषोयुतो न दुरिता तुर्याम् मर्त्यानाम् ॥ 6 ॥  
 तं नो अग्ने अभी नरो रयिं सहस्व आ भर ॥ 7 ॥  
 स क्षेपयत्स पोषयद्भुवद्वाजस्य सातय उतैधि पृत्सु नो वृध ॥ 7 ॥

(7) **10** (म.5, अनु.1)

ऋषिः गयः आत्रेयः छन्दः अनुष्टुप् 1-3,5-6, पङ्क्तिः 4,7 देवता अग्निः

अग्र ओजिष्ठमा भर द्युम्नस्मभ्यमधिगो । प्र नो राया परीणसा रत्सि वाजाय पन्थाम् ॥ 1 ॥  
 त्वं नो अग्ने अब्दुत् क्रत्वा दक्षस्य मंहना । त्वे असुर्यश्मारुहत्क्राणा मित्रो न यज्ञियः ॥ 2 ॥  
 त्वं नो अग्र एषां गयं पुष्टिं च वर्धय । ये स्तोमैभिः प्र सूरयो नरो मघान्यानुशुः ॥ 3 ॥  
 ये अग्ने चन्द्र ते गिरः शुम्भन्त्यश्वराधसः । ॥ 4 ॥  
 शुष्मैभिः शुष्मिणो नरो दिवश्चिद्येषां बृहत्सुकीर्तिर्बोधति त्मना ॥ 4 ॥  
 तव त्वे अग्ने अर्चयो भ्राजन्तो यन्ति धृष्णुया । परिज्मानो न विद्युतः स्वानो रथो न वाज्युः ॥ 5 ॥  
 नू नो अग्र ऊतये सुबाधसश्च रातये । अस्माकांसश्च सूरयो विश्वा आशास्तरिषणि ॥ 6 ॥  
 त्वं नो अग्ने अङ्गिरः स्तुतः स्तवान् आ भर ॥ 7 ॥  
 होतर्विभ्वासहं रयिं स्तोतृभ्यः स्तवसे च न उतैधि पृत्सु नो वृधे ॥ 7 ॥

(6) **11** (म.5, अनु.1)

ऋषिः सुतंभरः आत्रेयः छन्दः जगती देवता अग्निः

जनस्य गोपा अजनिष्ट जागृविरग्निः सुदक्षः सुविताय नव्यसे । ॥ 1 ॥  
 घृतप्रतीको बृहता दिविस्पृशा द्युमद्वि भाति भरतेभ्यः शुचिः ॥ 1 ॥  
 यज्ञस्य केतुं प्रथमं पुरोहितमग्निं नरस्त्रिषधस्थे समीधिरे । ॥ 2 ॥  
 इन्द्रेण देवैः सरथं स बर्हिषि सीदन्नि होता यजथाय सुक्रतुः ॥ 2 ॥  
 असंमृष्टो जायसे मात्रोः शुचिर्मन्द्रः कविरुदतिष्ठो विवस्वतः । ॥ 3 ॥  
 घृतेन त्वावर्धयन्नग्र आहुत धूमस्तै केतुरंभवद्विवि श्रितः ॥ 3 ॥

अग्निर्नो यज्ञमुप वेतु साधुयाग्निं नरो वि भरन्ते गृहेगृहे |  
 अग्निर्दूतो अभवद्धव्यवाहनोऽग्निं वृणाना वृणते कविक्रतुम् || 4 ||  
 तुभ्येदमग्ने मधुमत्तमं वचस्तुभ्यं मनीषा इयमस्तु शं हृदे |  
 त्वां गिरः सिन्धुमिवावनीर्महीरा पृणन्ति शर्वसा वर्धयन्ति च || 5 ||  
 त्वामग्ने अङ्गिरसो गुहा हितमन्वविन्दञ्छिश्रियाणं वनेवने |  
 स जायसे मथ्यमानः सहो महत्त्वामाहुः सहसस्पुत्रमङ्गिरः || 6 ||

(6) **12** (म.5, अनु.1)

ऋषिः सुतंभरः आत्रेयः	छन्दः त्रिष्टुप्	देवता अग्निः
----------------------	------------------	--------------

प्राग्रये बृहते यज्ञियाय ऋतस्य वृष्णे असुराय मन्म |  
 घृतं न यज्ञ आस्येर् सुपूतं गिरं भरे बृषभार्य प्रतीचीम् || 1 ||  
 ऋतं चिकित्वा ऋतमिच्छिकिद्धृतस्य धारा अनु तन्धि पूर्वीः |  
 नाहं यातुं सहसा न द्वयेन ऋतं सपाम्यरुषस्य वृष्णः || 2 ||  
 कया नो अग्र ऋतयंत्रतेन भुवो नवेदा उचथस्य नव्यः |  
 वेदा मे देव ऋतुपा ऋतूनां नाहं पतिं सनितुरस्य रायः || 3 ||  
 के ते अग्ने रिपवे बन्धनासः के पायवः सनिषन्त द्युमन्तः |  
 के धासिमग्ने अनृतस्य पान्ति क आसतो वचसः सन्ति गोपाः || 4 ||  
 सखायस्ते विषुणा अग्र एते शिवासः सन्तो अशिवा अभूवन् |  
 अधूर्षत स्वयमेते वचोभिर्ऋजूयते वृजिनानि ब्रुवन्तः || 5 ||  
 यस्ते अग्ने नमसा यज्ञमीदृ ऋतं स पात्यरुषस्य वृष्णः |  
 तस्य क्षयः पृथुरा साधुरेतु प्रसर्षाणस्य नहुषस्य शेषः || 6 ||

(6) **13** (म.5, अनु.1)

ऋषिः सुतंभरः आत्रेयः	छन्दः गायत्री	देवता अग्निः
----------------------	---------------	--------------

अर्चन्तस्त्वा हवामहेऽर्चन्तः समिधीमहि | अग्ने अर्चन्त ऊतये || 1 ||  
 अग्नेः स्तोमं मनामहे सिध्ममद्य दिविस्पृशः | देवस्य द्रविणस्यवः || 2 ||  
 अग्निर्जुषत नो गिरो होता यो मानुषेष्व्वा | स यक्षद्वैव्यं जनम् || 3 ||  
 त्वमग्ने सप्रथा असि जुष्टो होता वरेण्यः | त्वया यज्ञं वि तन्वते || 4 ||  
 त्वामग्ने वाजसातमं विप्रा वर्धन्ति सुष्टुतम् | स नो रास्व सुवीर्यम् || 5 ||  
 अग्ने नेमिरराँ इव देवाँस्त्वं परिभूरसि | आ राधश्चित्रमृञ्जसे || 6 ||

(6) **14** (म.5, अनु.1)

ऋषिः सुतंभरः आत्रेयः	छन्दः गायत्री	देवता अग्निः
----------------------	---------------	--------------

अग्निं स्तोमैर्न बोधय समिधानो अमर्त्यम् | हव्या देवेषु नो दधत् || 1 ||  
 तमध्वरेष्वीळते देवं मर्ता अमर्त्यम् | यजिष्ठं मानुषे जनैः || 2 ||  
 तं हि शश्वन्त ईळते स्रुचा देवं घृतश्रुता | अग्निं हव्याय वोळ्हेवे || 3 ||

अग्निर्जातो अरोचत् घ्नन्दस्यूञ्ज्योतिषा तमः । अविन्दुद्गा अपः स्वः ॥ 4 ॥

अग्निमीलेन्यं क्विं घृतपृष्ठं सपर्यत । वेतुं मे शृणवद्भवम् ॥ 5 ॥

अग्निं घृतेन वावृधुः स्तोमैर्भिर्विश्वचर्षणिम् । स्वाधीभिर्वचस्युभिः ॥ 6 ॥

(5)

15

(म.5, अनु.2)

ऋषिःधरुणः आङ्गिरसः	छन्दः त्रिष्टुप्	देवता अग्निः
--------------------	------------------	--------------

प्र वेधसे क्वये वेद्याय गिरं भरे यशसे पूर्वाय ।

घृतप्रसक्तो असुरः सुशेवो रायो धर्ता धरुणो वस्वो अग्निः ॥ 1 ॥

ऋतेन ऋतं धरुणं धारयन्त यज्ञस्य शाके परमे व्योमन् ।

दिवो धर्मन्धरुणं सेदुषो नृञ्जातैरजातां अभि ये ननुक्षुः ॥ 2 ॥

अंहोयुर्वस्तन्वस्तन्वते वि वयो महद्दुष्टं पूर्वाय ।

स संवतो नवजातस्तुतुर्यात्सिंहं न क्रुद्धमभितः परिं ह्युः ॥ 3 ॥

मातेव यद्भरसे पप्रथानो जनंजनं धार्यसे चक्षसे च ।

वयोवयो जरसे यद्धानः परि त्मना विषुरूपो जिगासि ॥ 4 ॥

वाजो नु ते शर्वसस्पात्वन्तमुरुं दोधं धरुणं देव रायः ।

पदं न तायुर्गुहा दधानो महो राये चितयन्नत्रिमस्यः ॥ 5 ॥

(5)

16

(म.5, अनु.2)

ऋषिः पूरुः आत्रेयः	छन्दः अनुष्टुप् 1-4, पङ्क्तिः 5	देवता अग्निः
--------------------	---------------------------------	--------------

बृहद्वयो हि भानवेऽर्चा देवायाग्रये । यं मित्रं न प्रशस्तिभिर्मर्तासो दधिरे पुरः ॥ 1 ॥

स हि द्युभिर्जनानां होता दक्षस्य बाह्वोः । वि हव्यमग्निरानुषग्भगो न वारंमृण्वति ॥ 2 ॥

अस्य स्तोमैर् मघोनः सुख्ये वृद्धशोचिषः । विश्वा यस्मिन्तुविष्वणि समर्थे शुष्ममादधुः ॥ 3 ॥

अधा ह्यग्र एषां सुवीर्यस्य मंहना । तमिद्यहं न रोदसी परि श्रवो बभूवतुः ॥ 4 ॥

नू न एहि वार्यमग्रैर् गृणान आ भर । ये वयं ये च सूरयः स्वस्ति धामहे सचोतैधि पृत्सु नो वृधे ॥ 5 ॥

(5)

17

(म.5, अनु.2)

ऋषिःपूरुः आत्रेयः	छन्दः अनुष्टुप् 1-4, पङ्क्तिः 5	देवता अग्निः
-------------------	---------------------------------	--------------

आ यज्ञैर्देव मर्त्य इत्था तव्यांसमृतये । अग्निं कृते स्वध्वरे पूरुरीळीतावसे ॥ 1 ॥

अस्य हि स्वयंशस्तर आसा विधर्मन्मन्यसे । तं नाकं चित्रशोचिषं मन्द्रं परो मनीषया ॥ 2 ॥

अस्य वासा उ अर्चिषा य आयुक्त तुजा गिरा । दिवो न यस्य रेतसा बृहच्छोचन्त्यर्चयः ॥ 3 ॥

अस्य क्रत्वा विचैतसो दस्मस्य वसु रथ आ । अधा विश्वासु हव्योऽग्निर्विक्षु प्र शस्यते ॥ 4 ॥

नू न इद्धि वार्यमासा संचन्त सूरयः । ऊर्जो नपादभिष्टये पाहि शग्धि स्वस्तय उतैधि पृत्सु नो वृधे ॥ 5 ॥

(5)

18

(म.5, अनु.2)

ऋषिः द्वितः मृक्वाहाः आत्रेयः

छन्दः अनुष्टुप् 1-4, पङ्क्तिः 5

देवता अग्निः

प्रातरग्निः पुरुप्रियो विशः स्तवेतातिथिः । विश्वानि यो अमर्त्यो हव्या मर्तेषु रण्यति ॥ 1 ॥  
द्विताय मृक्वाहसे स्वस्य दक्षस्य मंहना । इन्दुं स धत्त आनुषक्स्तोता चित्ते अमर्त्य ॥ 2 ॥  
तं वो दीर्घायुशोचिषं गिरा हुवे मघोनाम् । अरिष्टो येषां रथो व्यश्वदावन्नीयते ॥ 3 ॥  
चित्रा वा येषु दीर्घतिरासन्नुक्था पान्ति ये । स्तीर्णं बर्हिः स्वर्णरे श्रवांसि दधिरे परि ॥ 4 ॥  
ये मे पञ्चाशतं ददुरश्वानां सधस्तुति । द्युमदग्रे महि श्रवो बृहत्कृधि मघोनां नृवदमृत नृणाम् ॥ 5 ॥

(5)

19

(म.5, अनु.2)

ऋषिः वत्रिः आत्रेयः 1-4, आत्रेयः द्वितः मृक्वाहाः 5

छन्दः गायत्री 1-2, अनुष्टुप् 3-4, विराडूपा 5

देवता अग्निः

अभ्यवस्थाः प्र जायन्ते प्र वव्रेवत्रिश्चिकेत ठ । उपस्थे मातुर्वि चष्टे ॥ 1 ॥  
जुहुरे वि चितयन्तोऽनिमिषं नृमणं पान्ति । आ दृळ्हां पुरं विविशुः ॥ 2 ॥  
आ श्वेत्रेयस्य जन्तवो द्युमद्वर्धन्त कृष्टयः । निष्कग्रीवो बृहदुक्थ एना मध्वा न वाज्युः ॥ 3 ॥  
प्रियं दुग्धं न काम्यमजामि जाम्योः सचा । घर्मो न वाजजठरोऽदब्धः शश्वतो दभः ॥ 4 ॥  
क्रीळन्नो रश्म आ भुवः सं भस्मना वायुना वेविदानः ।  
ता अस्य सन्धृषजो न तिग्माः सुसंशिता वक्ष्यो वक्षणेस्थाः ॥ 5 ॥

(4)

20

(म.5, अनु.2)

ऋषिः प्रयस्वन्तः आत्रेयाः

छन्दः अनुष्टुप् 1-3, पङ्क्तिः 4

देवता अग्निः

यमग्रे वाजसातम् त्वं चिन्मन्यसे रयिम् । तं नो गीर्भिः श्रवाय्यं देवत्रा पनया युजम् ॥ 1 ॥  
ये अग्रे नेरयन्ति ते वृद्धा उग्रस्य शवसः । अप द्वेषो अप हरोऽन्यव्रतस्य सश्चिरे ॥ 2 ॥  
होतारं त्वा वृणीमहेऽग्रे दक्षस्य सार्धनम् । युज्ञेषु पूर्व्यं गिरा प्रयस्वन्तो हवामहे ॥ 3 ॥  
इत्था यथा त ऊतये सहसावन्दिवेदिवे ।  
राय ऋताय सुक्रतो गोभिः ष्याम सध्मादो वीरैः स्याम सध्मादः ॥ 4 ॥

(4)

21

(म.5, अनु.2)

ऋषिः ससः आत्रेयः

छन्दः अनुष्टुप् 1-3, पङ्क्तिः 4

देवता अग्निः

मनुष्वत्त्वा नि धीमहि मनुष्वत्समिधीमहि । अग्रे मनुष्वदङ्गिरो देवान्देवयुते यज ॥ 1 ॥  
त्वं हि मानुषे जनेऽग्रे सुप्रीत इध्यसे । स्रुचस्त्वा यन्त्यानुषक्सुजात् सर्पिरासुते ॥ 2 ॥  
त्वां विश्वे सजोषसो देवासो दूतमक्रत । सपर्यन्तस्त्वा कवे युज्ञेषु देवमीळते ॥ 3 ॥  
देवं वो देवयुज्ययाग्निमीळीत् मर्त्यैः समिद्धः शुक्र दीदिहृतस्य योनिमासदः ससस्य योनिमासदः ॥ 4 ॥

(4)

22

(म.5, अनु.2)

ऋषिः विश्वसामा आत्रेयः

छन्दः अनुष्टुप् 1-3, पङ्क्तिः 4

देवता अग्निः

प्र विश्वसामन्नत्रिवदर्चा पावकशौचिषे । यो अध्वरेष्वीड्यो होता मन्द्रतमो विशि ॥ 1 ॥  
न्यश्रिं जातवेदसं दधाता देवमृत्विजम् । प्र यज्ञ एत्वानुषगृद्या देवव्यचस्तमः ॥ 2 ॥

चिकित्विन्मनसं त्वा देवं मर्तास ऊतये । वरेण्यस्य तेऽवस इयानासो अमन्महि ॥ 3 ॥  
 अग्रे चिकिद्भ्यश्स्य न इदं वचः सहस्य  
 तं त्वा सुशिप्र दम्पते स्तोमैर्वर्धन्त्यत्रयो गीर्भिः शुम्भन्त्यत्रयः ॥ 4 ॥

(4) **23** (म.5, अनु.2)

ऋषिः द्युमनः विश्वचर्षणिः आत्रेयः छन्दः अनुष्टुप् 1-3, पङ्क्तिः 4 देवता अग्निः

अग्रे सहन्तुमा भर द्युमनस्य प्रासहा रयिम् । विश्वा यश्चर्षणीरभ्याःसा वाजेषु सासहत् ॥ 1 ॥  
 तमग्रे पृतनाषहं रयिं सहस्व आ भर । त्वं हि सत्यो अबद्धतो दाता वाजस्य गोमतः ॥ 2 ॥  
 विश्वे हि त्वा सजोषसो जनासो वृक्तबर्हिषः । होतारं सद्भसु प्रियं व्यन्ति वार्या पुरु ॥ 3 ॥  
 स हि ष्मा विश्वचर्षणिरभिमाति सहो दुधे  
 अग्र एषु क्षयेष्वा रेवन्नः शुक्र दीदिहि द्युमत्पावक दीदिहि ॥ 4 ॥

(4) **24** (म.5, अनु.2)

ऋषिः बन्धुः सुबन्धुः श्रुतबन्धुः विप्रबन्धुः गौपायनः लौपायनः वा 1-4 छन्दः द्विपदा विराट् देवता अग्निः

अग्रे त्वं नो अन्तम उत त्राता शिवो भवा वरूथ्यः ॥ 1 ॥  
 वसुरग्रिर्वसुश्रवा अच्छा नक्षि द्युमत्तमं रयिं दाः ॥ 2 ॥  
 स नो बोधि श्रुधी हवमुरुष्या गो अघायतः समस्मात् ॥ 3 ॥  
 तं त्वा शोचिष्ठ दीदिवः सुम्राय नूनमीमहे सखिभ्यः ॥ 4 ॥

(9) **25** (म.5, अनु.2)

ऋषिः वसूयवः आत्रेयाः छन्दः अनुष्टुप् देवता अग्निः

अच्छा वो अग्रिमवसे देवं गांसि स नो वसुः । रासत्पुत्र ऋषूणामृतावा पर्षति द्विषः ॥ 1 ॥  
 स हि सत्यो यं पूर्वं चिद्देवासश्चिद्यमीधिरे । होतारं मन्द्रजिह्वमित्सुदीतिभिर्विभावंसुम् ॥ 2 ॥  
 स नो धीती वरिष्ठया श्रेष्ठया च सुमत्या । अग्रे रायो दिदीहि नः सुवृक्तिभिर्वरेण्य ॥ 3 ॥  
 अग्रिर्देवेषु राजत्यग्रिमर्तेष्वाविशन् । अग्रिनो हव्यवाहनोऽग्निं धीभिः सपर्यत ॥ 4 ॥  
 अग्रिस्तुविश्रवस्तमं तुविब्रह्माणमुत्तमम् । अतूतं श्रावयत्पतिं पुत्रं ददाति दाशुषे ॥ 5 ॥  
 अग्रिर्ददाति सत्पतिं सासाह यो युधा नृभिः । अग्रिरत्यं रघुष्यदुं जेतारमपराजितम् ॥ 6 ॥  
 यद्वाहिष्ठं तदग्रयं बृहदर्च विभावसो । महिषीव त्वद्रयिस्त्वद्वाजा उदीरते ॥ 7 ॥  
 तव द्युमन्तो अर्चयो ग्रावेवोच्यते बृहत् । उतो ते तन्यतुर्यथा स्वानो अर्तु त्मना दिवः ॥ 8 ॥  
 एवाँ अग्निं वसूयवः सहसानं ववन्दिम । स नो विश्वा अति द्विषः पर्षन्नावेवं सुक्रतुः ॥ 9 ॥

(9) **26** (म.5, अनु.2)

ऋषिः वसूयवः आत्रेयाः छन्दः गायत्री देवता अग्निः

अग्रे पावक रोचिषा मन्द्रया देव जिह्वया । आ देवान्वाक्षि यक्षि च ॥ 1 ॥  
 तं त्वा घृतस्नवीमहे चित्रभानो स्वर्दशम् । देवाँ आ वीतये वह ॥ 2 ॥  
 वीतिहोत्रं त्वा कवे द्युमन्तं समिधीमहि । अग्रे बृहन्तमध्वरे ॥ 3 ॥

अग्ने विश्वेभिरा गहि देवेभिर्हव्यदातये	होतारं त्वा वृणीमहे	॥ 4 ॥
यजमानाय सुन्वत आग्ने सुवीर्यं वह	देवैरा सत्सि बर्हिषि	॥ 5 ॥
समिधानः सहस्रजिदग्ने धर्माणि पुष्यसि	देवानां दूत उक्थ्यः	॥ 6 ॥
न्यक्षिं जातवेदसं होत्रवाहं यविष्ठयम्	दधाता देवमृत्विजम्	॥ 7 ॥
प्र यज्ञ एत्वानुषगृह्या देवव्यचस्तमः	स्तृणीत बर्हिरासदे	॥ 8 ॥
एदं मरुतो अश्विना मित्रः सीदन्तु वरुणः	देवासुः सर्वया विशा	॥ 9 ॥

(6)

27

(म.5, अनु.2)

ऋषिः त्रैवृष्णत्र्यरुणपौरुकुत्स्यत्रसदस्युभारताश्वमेधाः राजानः	छन्दः त्रिष्टुप् 1-3, अनुष्टुप् 4-6
देवता अग्निः 1-5, इन्द्राग्नी 6	

अनस्वन्ता सत्पतिर्माहे मे गावा चेतिष्ठो असुरो मघोनः		
त्रैवृष्णो अग्ने दशभिः सहस्रैर्वैश्वानरु त्र्यरुणश्चिकेत	॥ 1 ॥	
यो मे शता च विंशतिं च गोनां हरीं च युक्ता सुधुरा ददाति		
वैश्वानरु सुष्टुतो वावृधानोऽग्ने यच्छ त्र्यरुणाय शर्म	॥ 2 ॥	
एवा ते अग्ने सुमतिं चकानो नविष्ठाय नवमं त्रसदस्युः		
यो मे गिरस्तुविजातस्य पूर्वियुक्तेनाभि त्र्यरुणो गृणाति	॥ 3 ॥	
यो म इति प्रवोचत्यश्वमेधाय सूरये	ददद्वा सनिं यते ददन्मेधामृतायते	॥ 4 ॥
यस्य मा परुषाः शतमुद्धर्षयन्त्युक्षणः	अश्वमेधस्य दानाः सोमाइव त्राशिरः	॥ 5 ॥
इन्द्राग्नी शतदाव्यश्वमेधे सुवीर्यम्	क्षत्रं धारयतं बृहद्विवि सूर्यमिवाजरम्	॥ 6 ॥

(6)

28

(म.5, अनु.2)

ऋषिः विश्ववारा आत्रेयी छन्दः त्रिष्टुप् 1,3, जगती 2, अनुष्टुप् 4, गायत्री 5-6	देवता अग्निः
---	--------------

समिद्धो अग्निर्दिवि शोचिरंश्रेत्प्रत्यङ्घ्रसमुर्विया वि भाति		
एति प्राचीं विश्ववारा नमोभिर्देवाँ ईळाना हविषा घृताचीं	॥ 1 ॥	
समिध्यमानो अमृतस्य राजसि हविष्कृण्वन्तं सचसे स्वस्तये		
विश्वं स धत्ते द्रविणं यमिन्वस्यातिथ्यमग्ने नि च धत्त इत्पुरः	॥ 2 ॥	
अग्ने शर्धं महते सौभगाय तव द्युमन्युत्तमानि सन्तु		
सं जास्पत्यं सुयममा कृणुष्व शत्रूयतामभि तिष्ठा महांसि	॥ 3 ॥	
समिद्धस्य प्रमहसोऽग्ने वन्दे तव श्रियम्   वृषभो द्युमन्युः अस्मि समध्वरेष्विध्यसे	॥ 4 ॥	
समिद्धो अग्र आहुत देवान्यक्षि स्वध्वर   त्वं हि हव्यवाळसि	॥ 5 ॥	
आ जुहोता दुवस्यताग्निं प्रयत्यध्वरे   वृणीध्वं हव्यवाहनम्	॥ 6 ॥	

(15)

29

(म.5, अनु.2)

ऋषिः गौरिवीतिः शाक्त्यः	छन्दः त्रिष्टुप्	देवता इन्द्रः
-------------------------	------------------	---------------

त्र्यर्यमा मनुषो देवताता त्री रौचिना दिव्या धारयन्त		
अर्चन्ति त्वा मरुतः पूतदक्षास्त्वमेषामृषिरिन्द्रासि धीरः	॥ 1 ॥	

अनु यदीं मरुतो मन्दसानमार्चन्निन्द्रं पपिवांसं सुतस्य	
आदत्त वज्रमभि यदहिं हन्नपो यद्दीरसृजत्सर्तवा उ	॥ 2 ॥
उत ब्रह्माणो मरुतो मे अस्येन्द्रः सोमस्य सुषुतस्य पेयाः	
तद्धि हव्यं मनुषे गा अविन्ददहन्नहिं पपिवाँ इन्द्रो अस्य	॥ 3 ॥
आद्रोदसी वितरं वि ष्कभायत्संविष्वानश्चिद्धियसे मृगं कः	
जिर्गतिमिन्द्रो अपजगुराणः प्रतिं श्वसन्तमव दानवं हन्	॥ 4 ॥
अध क्रत्वा मघवन्तुभ्यं देवा अनु विश्वे अददुः सोमपेयम्	
यत्सूर्यस्य हरितः पतन्तीः पुरः सतीरुपरा एतशे कः	॥ 5 ॥
नव यदस्य नवतिं च भोगान्त्साकं वज्रेण मघवा विवृश्चत्	
अर्चन्तीन्द्रं मरुतः सधस्थे त्रैष्टुभेन वचसा बाधत् द्याम्	॥ 6 ॥
सखा सख्ये अपचतूर्यमग्निरस्य क्रत्वा महिषा त्री शतानि	
त्री साकमिन्द्रो मनुषुः सरांसि सुतं पिबद्वृत्रहत्यायु सोमम्	॥ 7 ॥
त्री यच्छता महिषाणामघो मास्त्री सरांसि मघवा सोम्यापाः	
कारं न विश्वे अहन्त देवा भरमिन्द्राय यदहिं जघान	॥ 8 ॥
उशाना यत्सहस्यैर्यातं गृहमिन्द्र जूजुवानेभिरश्वैः	
वन्वानो अत्रं सुरथं ययाथ कुत्सेन देवैरवनोर्ह शुष्णाम्	॥ 9 ॥
प्रान्यच्चक्रमवृहः सूर्यस्य कुत्सायान्यद्वरिवो यातवेऽकः	
अनासो दस्यूरमृणो वधेन नि दुर्योण आवृणङ्मघवाचः	॥ 10 ॥
स्तोमासस्त्वा गौरिवीतेरवर्धन्नरन्धयो वैदधिनायु पिप्रुम्	
आ त्वामृजिश्वा सुख्याय चक्रे पचन्पत्कीरपिबुः सोममस्य	॥ 11 ॥
नवग्वासः सुतसोमास इन्द्रं दशग्वासो अभ्यर्चन्त्यर्केः	
गव्यं चिदूर्वमपिधानवन्तं तं चिन्नरं शशमाना अप व्रन्	॥ 12 ॥
कथो नु ते परिं चराणि विद्वान्वीर्या मघवन्या च्कर्थ	
या चो नु नव्या कृणवः शविष्ठ प्रेदु ता ते विदथेषु ब्रवाम	॥ 13 ॥
एता विश्वा चकृवाँ इन्द्र भूर्यपरीतो जनुषा वीर्येण	
या चिन्नु वैज्जिन्कृणवो दधृष्वान्न ते वर्ता तविष्या अस्ति तस्याः	॥ 14 ॥
इन्द्र ब्रह्म क्रियमाणा जुषस्व या ते शविष्ठ नव्या अकर्म	
वस्त्रैव भद्रा सुकृता वसूयू रथं न धीरः स्वपा अतक्षम्	॥ 15 ॥

ऋषिः बभ्रुः आत्रेयः

छन्दः त्रिष्टुप्

देवता इन्द्रः 1-11, ऋणंचयेन्द्रौ 12-15

क्वस्य वीरः को अपश्यदिन्द्रं सुखरथमीयमानं हरिभ्याम्	
यो राया वज्री सुतसोममिच्छन्तदोको गन्ता पुरुहूत ऊती	1
अवाचचक्षं पदमस्य सस्वरुग्रं निधातुरन्वायमिच्छन्	
अपृच्छमन्याँ उत ते म आहुरिन्द्रं नरो बुबुधाना अशेम	2
प्र नु वयं सुते या ते कृतानीन्द्र ब्रवाम् यानि नो जुजोषः	
वेददविद्वाञ्छृणवञ्च विद्वान्वहतेऽयं मघवा सर्वसेनः	3
स्थिरं मनश्चकृषे जात इन्द्र वेषीदेको युधये भूर्यसश्चित्	
अश्मानं चिच्छवसा दिद्युतो वि विदो गवामूर्वमुस्त्रियाणाम्	4
पुरो यत्त्वं परम आजनिष्ठाः परावति श्रुत्यं नाम बिभ्रत्	
अर्तश्चिदिन्द्रादभयन्त देवा विश्वा अपो अजयद्वासपत्नीः	5
तुभ्येदेते मरुतः सुशेवा अर्चन्त्यर्कं सुन्वन्त्यन्धः	
अहिमोहानमप आशयानं प्र मायाभिर्मयिनं सक्षदिन्द्रः	6
वि षू मृधो जनुषा दानमिन्वन्नहन्वावा मघवन्तसंचकानः	
अत्रा दासस्य नमुचेः शिरो यदवर्तयो मनवे गातुमिच्छन्	7
युजं हि मामकृथा आदिदिन्द्र शिरो दासस्य नमुचेर्मथायन्	
अश्मानं चित्स्वर्यं वर्तमानं प्र चक्रियेव रोदसी मरुद्भ्यः	8
स्त्रियो हि दास आयुधानि चक्रे किं मा करन्नबला अस्य सेनाः	
अन्तर्हार्ख्यदुभे अस्य धेने अथोप प्रैद्युधये दस्युमिन्द्रः	9
समत्र गावोऽभितोऽनवन्तेहेह वत्सैर्वियुता यदासन्	
सं ता इन्द्रो असृजदस्य शाकैर्यदी सोमासः सुषुता अमन्दन्	10
यदी सोमा बभ्रुधृता अमन्दन्नरोरवीद्वेषभः सार्दनेषु	
पुरंदरः पपिवाँ इन्द्रो अस्य पुनर्गवामददादुस्त्रियाणाम्	11
भद्रमिदं रुशमा अग्रे अक्रन्वावाँ चत्वारि ददतः सहस्रा	
ऋणंचयस्य प्रयता मघानि प्रत्यग्रभीष्म नृतमस्य नृणाम्	12
सुपेशसं माव सृजन्त्यस्तं गवाँ सहस्रै रुशमासो अग्रे	
तीव्रा इन्द्रममन्दुः सुतासोऽक्तोर्व्युष्टौ परितकम्यायाः	13
औच्छत्सा रात्री परितकम्या याँ ऋणंचये राजनि रुशमानाम्	
अत्यो न वाजी रघुरज्यमानो बभ्रुश्चत्वार्यसनत्सहस्रा	14
चतुःसहस्रं गव्यस्य पश्वः प्रत्यग्रभीष्म रुशमेष्वग्रे	
घर्मश्चित्तप्तः प्रवृजे य आसीदयस्मयस्तम्वादां विप्राः	15



ऋषिः अवस्युः आत्रेयः छन्दः त्रिष्टुप् देवता इन्द्रः 1-7,10-13, इन्द्रः कुत्सोशनसौ वा 8, इन्द्राकुत्सौ 9

इन्द्रो रथाय प्रवतं कृणोति यमध्यस्थान्मघवां वाजयन्तम्	
यूथेव पृश्नो व्युनोति गोपा अरिष्टो याति प्रथमः सिषासन्	1
आ प्र द्रव हरिवो मा वि वैनः पिशङ्गराते अभि नः सचस्व	
नहि त्वदिन्द्र वस्यो अन्यदस्त्यमेनाश्चिञ्जनिवतश्चकथं	2
उद्यत्सहः सहस्र आर्जनिष्ट देदिष्ट इन्द्र इन्द्रियाणि विश्वा	
प्राचोदयत्सुदुघा वृत्रे अन्तर्वि ज्योतिषा संववृत्वत्तमोऽवः	3
अनवस्ते रथमश्वाय तक्षन्त्वष्टा वज्रं पुरुहूत द्युमन्तम्	
ब्रह्माण इन्द्रं महयन्तो अर्कैरवर्धयन्नहये हन्त्वा उ	4
वृष्णे यत्ते वृषणो अर्कमर्चानिन्द्र ग्रावाणो अदितिः सृजोषाः	
अनुश्वासो ये पवयोऽरुथा इन्द्रैषिता अभ्यवर्तन्तु दस्यून्	5
प्र ते पूर्वाणि करणानि वोचं प्र नूतना मघवन्त्या च्कथं	
शक्तीवो यद्विभरा रोदसी उभे जयन्नपो मनवे दानुचित्राः	6
तदिन्नु ते करणं दस्म विप्राहिं यद्घ्नन्नोजो अत्रामिमीथाः	
शुष्णस्य चित्परि माया अंगृभ्णाः प्रपित्वं यन्नपु दस्यूरसेधः	7
त्वम्पो यदवे तुर्वशायारमयः सुदुघाः पार इन्द्र	
उग्रमेयातमवहो ह कुत्सं सं ह यद्वामुशनारन्त देवाः	8
इन्द्राकुत्सा वहमाना रथेना वामत्या अपि कर्णे वहन्तु	
निः षीम्ब्र्यो धर्मथो निः षधस्थान्मघोनो हृदो वरथुस्तमांसि	9
वातस्य युक्तान्तसुयुर्जश्चिदश्वान्कविश्चिदेषो अजगन्नवस्युः	
विश्वे ते अत्र मरुतः सखाय इन्द्र ब्रह्माणि तविषीमवर्धन्	10
सूरश्चिद्रथं परितकम्यायां पूर्वं करदुपरं जूजुवांसम्	
भरञ्चक्रमेतेशः सं रिणाति पुरो दधत्सनिष्यति क्रतुं नः	11
आयं जना अभिचक्षे जगामेन्द्रः सखायं सुतसौममिच्छन्	
वदन्प्रावाव वेदिं भ्रियाते यस्य जीरमध्वर्यवश्चरन्ति	12
ये चाकनन्त चाकनन्त नू ते मर्ता अमृत मो ते अंह आरन्	
वावन्धि यज्यूरुत तेषु धेह्योजो जनेषु येषु ते स्याम	13

ऋषिः गातुः आत्रेयः

छन्दः त्रिष्टुप्

देवता इन्द्रः

अर्ददुरुत्समसृजो वि खानि त्वमर्णवान्बद्धधानां अरम्णाः	
महान्तमिन्द्र पर्वतं वि यद्वः सृजो वि धारा अव दानवं हन्	॥ 1 ॥
त्वमुत्सां ऋतुभिर्बद्धधानां अरंह ऊधः पर्वतस्य वज्रिन्	
अहिं चिदुग्र प्रयुतं शयानं जघन्वाँ इन्द्र तविषीमधत्थाः	॥ 2 ॥
त्यस्य चिन्महतो निर्मृगस्य वधर्जघान् तविषीभिरिन्द्रः	
य एक इदप्रतिर्मन्यमान् आदस्मादन्यो अजनिष्ट तव्यान्	॥ 3 ॥
त्यं चिदेषां स्वधया मदन्तं मिहो नपातं सुवृधं तमोगाम्	
वृषप्रभर्मा दानवस्य भामं वज्रेण वज्री नि जघान् शुष्णम्	॥ 4 ॥
त्यं चिदस्य क्रतुभिर्निषत्तममर्मणो विददिदस्य मर्म	
यदीं सुक्षत्र प्रभृता मदस्य युयुत्सन्तं तमसि हर्म्ये धाः	॥ 5 ॥
त्यं चिदित्था कत्पयं शयानमसूर्ये तमसि वावृधानम्	
तं चिन्मन्दानो वृषभः सुतस्योच्चैरिन्द्रो अपगूर्यां जघान	॥ 6 ॥
उद्यदिन्द्रो महते दानवायु वधर्यमिष्ट सहो अप्रतीतम्	
यदीं वज्रस्य प्रभृतौ दुदाभ विश्वस्य जन्तोरधमं चकार	॥ 7 ॥
त्यं चिदणं मधुपं शयानमसिन्वं व्रं मह्यादुग्रः	
अपादमत्रं महता वधेन नि दुर्योण आवृणङ्मृध्रवाचम्	॥ 8 ॥
को अस्य शुष्मं तविषीं वरात् एको धना भरते अप्रतीतः	
इमे चिदस्य ज्रयसो नु देवी इन्द्रस्यौजसो भियसा जिहाते	॥ 9 ॥
न्यस्मै देवी स्वधितिर्जिहीत् इन्द्राय गातुरुशतीवं येमे	
सं यदोजो युवते विश्वमाभिरनु स्वधात्रै क्षितयो नमन्त	॥ 10 ॥
एकं नु त्वा सत्पतिं पाञ्चजन्यं जातं शृणोमि यशसं जनेषु	
तं मे जगृभ्र आशसो नविष्टं दोषा वस्तोर्हवमानास् इन्द्रम्	॥ 11 ॥
एवा हि त्वामृतुथा यातयन्तं मघा विप्रैभ्यो ददतं शृणोमि	
किं ते ब्रह्माणो गृहते सखायो ये त्वाया निदुधुः काममिन्द्र	॥ 12 ॥

।इति चतुर्थाष्टके प्रथमोऽध्यायः समाप्तः ।